

壬癸志稿十四

太倉錢寶琛伯瑜輯

同里

葉裕仁涵溪
季錫疇崧耘
趙兆熊耳山
畢庭杰雄伯

參校

人物

太倉州

雜傳

元

朱清字澄叔崇明姚沙人宋季傭楊氏賊其主避迹捕
亡命入海與張瑄為羣盜雄兩人結亡賴椎劫海上急
輒引舟東行三日夜得沙門島又東北過高句麗水口

壬癸志稿

雜傳

一

見文登夷維諸山又北見燕山碣石往來若風與鬼無
慮十數發私念南北海道此固甚徑且不逢淺角遂悉
表識尋新元招授吏部侍郎左選七資最下一等令部
其黨為防海義民隸提刑節制水軍伯顏平宋知兩人
習海事遣載宋庫藏圖籍從海入燕會議餉道詣中書
省陳言海運伯顏大善之引入見授金符千戶初年運
四萬石後至百六十餘萬石遂立都海運萬戶府令清
瑄掌之並累官參知政事清子虎歷都元帥瑄子文虎
擢至戶部尚書領漕事是時二家勢張甚姻族皆大官
廝養佩金虎符銀符者百計田園庾廩徧天下商舶交

番夷中爲吳也先構言大德中逮至京下獄死子孫流遠方籍其家以新提舉專掌其貲至大三年復以清子虎瑄子文龍治海漕賜所籍宅一區田百頃并諸孫放還太倉守墓

張瑄嘉定八都新華村人少亡賴爲羣盜卽能部曹伍指方略爲海濱患已事敗被獲浙西提刑洪起畏夜夢錄囚十八人中一人化爲虎寤而怪之質明求盜送囚簿對數與夢合瑄貌特偉洪因貸勿殺瑄去仍出沒海上不可蹤跡旣就元撫同朱清授官挽海漕歷陞任及子文虎受職詳清傳至元末有姚衍者上變告瑄且不

壬癸志稿

雜傳

二

軌帝弗聽召丞相完澤曰張瑄有勞國家卿終保護之大德七年冬樞密斷事官曹拾得與瑄隙申前疏丞相爭不得收瑄下獄死斬文虎西市諸子悉竄漠北女沒入繡局孫天麟訟冤放還竄者改麟父文龍督日本賈舶尋超都水監仍督漕事瑄不知書署公移但三指染墨印如品字人卒莫能假性酷暴人少拂意輒縛投海籍沒後亦立新提舉專掌其貲

朱旭字子陽清子爲忠顯校尉海道千戶不樂仕進退居田園從士大夫游通經史工書兼好施予

謝天錫字純父其先吳興人四世祖某始遷州之任陽

元兵渡江用歸附功授嘉興縣主簿嘉興當孔道科調繁興天錫佐邑令一以寬卹爲事尉缺員兼攝尉事縣有疑獄久不決天錫廉得其實一日命取網罟羅積水中得枯骸冤乃得白考滿歸卒

明

歐千斤洪武初爲京師列校時有善搏者稱絕技眾推歐勝之改授太倉衛百戶旣老嘗乘馬遇橋不進臂挾馬趨而過之

錢瓊字孟玉倜儻任俠洪武間有勾軍千戶橫莫抗瓊繫之面訴太祖應對稱旨千戶伏誅賜衣鈔還

壬癸志稿

雜傳

三

費信字公曉太倉衛人永樂宣德間從中貴鄭和楊敏使占城琉球等二十餘國紀其風土人物列序分詠名星槎勝覽

楊尙英字時俊鎮海衛千戶猿臂善射長踰七尺饒膽決視部曲有恩信倭亂海上尙英起行間積戰功由蘇松參將陞爲浙江副總兵官都督世襲指揮嘗禦賦於海洋會風破賊舟得級三百有奇後歸剗大弟治園池握槩命詩鐘鼓聲不絕不五載產盡而歿

顧同寅字文通原名其泰璜涇人天啟五年武進士第二明年坐與同里孫文彥作詩悼熊廷弼御史指爲妖

言以聞皆被逮棄市文豸諸生

國朝

浦嶧字君書勇力絕倫順治二年夏 大兵南下嶧同王元初吳體元等團練鄉勇奉書幕府率先郊迎用捍衛城門功署末將銜尋被曹耦所訐不及仕卒元初字遂徵廩生 國初中武進士吳體元字秀叔家素封喜結客自少習投石超距鞭稍刀劍之技無不精熟以迎師功例得弁劄不就中順治五年武舉爲洮州衛千總署守備知闔帥有跋扈意急請歸次年變作人服其先見

壬癸志稿

雜傳

四

尹雲龍字端夫鎮海衛籍少任俠會鼎革烽燧四起雲龍與浦氏兄弟范天仲蔣若萊輩各募眾自衛 王師南下偕浦范等投誠嚮導移師嘉定每於軍中免人於厄有陳氏一門就戮全其孤順治八年擢京師騰驤衛守備陞福建汀州遊擊康熙十二年耿精忠叛固守上杭僞伯劉進忠來攻不能下出奇計退之奏捷授總兵精忠授首尋乞休歸子振祚字源發岷州衛千總後從征噶爾丹有功擢泗州營守備年近七十退歸王九成別呼時慧拳勇絕倫凡爭鬪之場望見九成無不斂退然性孝平居修謹士大夫頗禮貌之母臨歿執

其手曰我惟慮此手爲汝累耳九成瞿然含斂畢斷一
臂置靈几後歸浮屠以終

壬癸志稿

雜傳

五

壬癸志稿十四終